



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Libellvs De Angelo Cvstode R. P. Francisci Albertini Soc.
Iesv Theologi**

Albertini, Francesco

Coloniae Agrippinae, M.D.C.XIV

Interpretis Ad Angelicam Sodalitatem Praefatio.

[urn:nbn:de:hbz:466:1-46785](https://nbn-resolving.org/urn:nbn:de:hbz:466:1-46785)

INTERPRETIS
AD ANGELICAM
SODALITATEM

PRAEFATIO.



VANQVAM ea est ex vnâ par-
te coelestium spirituum potestas
ac dignitas, vt nullis (humanæ
dicam? an etiam Angelicæ?) e-
loquentiæ viribus explicari queat, ideoque
tacitâ admiratione potiùs, quàm tenui sermo-
ne veneranda esset, cum ineffabilibus mysteri-
is, inquit Gregorius nulla res magis quadret,
quàm silentium: Quia tamen eorundem, quæ
in mortales collocant, beneficia, contrariâ
methodo celebrari postulant, & quo fidelius
prædicantur, hoc de die in diem sensibiliùs in-
crebrescunt; non inanem operam me positurû
credidi, si præsentem libellum, id est medul-
lam selectarum aliquot concionum R. P.
Francisci Albertini, quas de Angelis con-
fecit ex peregrinâ in Latinam linguam con-
uerterem.

Tantò autem ad huiusmodi lucubrationem
paratius accessi, quantò sanctior eluxit zelus
hinc quidem Beatissimi Pontificis nostri Pauli

(:) 3 V. qui

P R A E F A T I O.

V. qui nuper proprio instituto officio ac Missa Kalendis Octobr. annuè celebrandâ Angelî Custodis memoriam foelicissimè renouauit: Inde verò Angelicæ congregationis vestræ, quæ compluribus abhinc annis simile Enchiridion idcirco requisit, ne tenera adolescentiorum ingenia, quorum inexplebilis cupido est cœlestium mentium condiciones resciscendi, cogerentur mare Scripturarum adire, adeoq; angusti oris vascula, vt cum Fabio Quintiliano loquar, superfusa humoris copia obruerentur.

Ac sanè si in sacri Codicis lectione virorū etiã literatorum ingenia deficiūt, quis iuueniculis hisce suadeat, vt Custodum suorū naturam inuestigare volētes inaccessibile Scripturæ montē tentent; ac non iustiùs exēplo Moyfis imbecillitati eorum per humanæ interpretationis methodū condescendat? Si diuinæ Literæ ab ipso earū Authore solidi panis vocabulo designari solent, num quis illas, priusquã fregerit molueritq; lactentibꝰ adhuc paruulis Christi apponat? Nemo suspicor, nisi desipit.

Hæc igitur ratio, cur præsentem tractatullâ stylo nec elato nec fucato, luculento tamen, & quantum fieri potuit ad Christianam simplicitatem composito ex Italicâ linguâ Latine
trans-

P R A E F A T I O.

transcripserim, de fructu ad eò non sollicitus, ut pollicear mihi deinceps pusillos quoq; Religionis nostrę tyrunculos intellecturos, quid Angel^o custos sit; in terrena videlicet peregrinatione iucundum vehiculum, & obsessę animę inexpugnabile munimentũ; socius in labore, refrigerium in calore; succursus in periculo, leuamen in lapsu, illuminator mentis, protector corporis, minister iustitię, & dispensator gratiæ; supernarumq; omnium benedictionum distributor munificentissimus. Proinde recenti eum timore ac dilectione culturos, atque interim illius etiam conserui sui memores fore, qui totũ sese Angelicę cõgregationis obsequio mancipauit. Valete.

Colonię Vbiorum, ipsa decollationis S. Ioannis Bapt.

1612.

(:) 4 CARMEN